

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017057 22 V

Novi Travnik, 09.09.2022. godine

Kantonalni sud u Novom Travniku, sutkinja Stana Imamović, u vanparničnom postupku predlagateljice A.Dž., rođena J., kći S. nastanjena u S. Nj. ..., zastupana po punomoćniku M. G. sin E. iz T., ..., protiv protivnika predlagatelja M. Dž. iz S., Bi H, ul. ..., radi priznanja strane sudske odluke o razvodu braka, dana 09.09.2022. godine, donio je sljedeće:

RJEŠENJE

Priznaje se Odluka o razvodu braka Službenog suda Reutlingen, Obiteljski sud, Savezna Republika Njemačka broj 16 F 182/16 godine od 26.02.2019.godine, u stavu 1., koja je pravomoćna sa 25. 07 2019. godine, a kojom se razvodi brak između predlagateljice A. Dž. rođena godine u F., B i H i protupredlagatelja M. Dž. rođen ... godine u V., mjesto..., B i H, koji je zaključen ... godine pred Matičnim uredom Reutlingen (registar vjenčanih broj ...) i upisan u matičnoj knjizi vjenčanih koja se vodi za mjesto F., pod rednim brojem ... za 2022. godine.

Troškove postupka snosi predlagateljica.

Obrazloženje

Predlagateljica je 05.09.2022. godine podnijela prijedlog za priznanje naveden strane sudske odluke o razvodu braka. Uz prijedlog je dostavila stranu sudsku odluku u originalu, prijevod odluke od ovlaštenog sudskog tumača za njemački jezik sa područja BiH, izvod iz matične knjige vjenčanih izdat od Matičnog ureda Općine Fojnica broj 06-10-6-628/2022 od 05.09.2022. godine, izvod iz matične knjige rođenih za predlagateljicu izdat od Matičnog ureda Općine Fojnica broj 06-10-1-3672/2022 od 05.09.2022. godine, original punomoć za zastupanje predlagateljice po punomoćniku M. G. sin E. iz T. i dokaz o uplati sudske takse za prijedlog u iznosu od 100,00 KM.

Na osnovu priložene dokumentacija ovaj sud je utvrdio da se radi o pravomoćnoj stranoj sudskoj odluci o razvodu braka koji je zaključen između državljanina Bosne i Hercegovine 08.03.2008. godine pred Matičnim uredom Reutlingen, Njemačka (registar vjenčanih broj ...) i upisan u matičnoj knjizi vjenčanih koja se vodi za mjesto F..., pod rednim brojem ... za 2022. godine, da su u postupku razvoda braka učestvovala obje vanparnične stranke, da odluka o razvodu braka nije protivna odredbama Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak i da predlagateljica, kao državljanka Bosne i Hercegovine ima pravni interes da se činjenica razvoda braka upiše kod nadležnog matičnog ureda u Bosni i Hercegovini.

Iz navedenih razloga odlučeno je kao u izreci ovoga rješenja u skladu sa odredbama člana od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ" broj 43/82, 72/82, "Službeni list Republike BiH" broj 02/92), koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku („Službene novine Federacije BiH“ broj 53/03, 73/05, 19/06 i 98/15) i članom 28. stav 3. točka e) Zakona o sudovima u Federaciji Bosne i Hercegovine ("Službene novine Federacije BiH" broj 38/05).

Na temelju Tarifnog broja 1. točka 10. i Tarifnog broja 2. stav 1. koji je sastavni dio Zakona o sudskim taksama ("Službene novine SBK/KSB" broj 4/2017 i 15/20), predlagateljica je dana 22.07.2022. godine uplatila sudsku taksu u iznosu od 100,00 KM.

Sutkinja
Stana Imamović